

名媛詩話

名媛詩話卷五

錢塘沈善寶湘佩著 受業德清俞德秀校字

陽湖憚珍浦太夫人

珠

號星珣晚號蓉湖道人完顏

方伯

岱

子婦曙堦太守室麟見亭河帥

慶

庫長

昌

知

州書

母誕生之夕祖母唐夢老嫗授珠遂名之嘗目

夢前身爲妙蓮菩薩侍女護書紅香島中因繪紅島

侍書圖著有紅香館詩鈔幼穎慧從父尉肥鄉十歲

工詩兼精繪事方伯公適宰肥鄉眷屬往來始索揮

羅氏器其才且賢一日試以錦雞詩援筆立成云閒

對清波照彩衣。徧身金錦世應稀。一朝脫却樊籠去。
好向朝陽學鳳飛。大蒙賞鑒遂爲太守公。聘定焉卒。
以賢孝稱。河帥年十九成進士。太夫人以詩訓之。有
科名雖并春風發。心性須如秋水平。河帥初入中書。
太夫人自繪紫薇夜月。便面題詩賜之。曰金帖傳名。
青錢入選。薇省森嚴。鳳池清淺。夙夜勿怠。匪躬蹇蹇。
叨列清班。勉躋通顯。迨河帥出仕。太守游升。巡撫節
鎮南河。所至輒著循聲。皆秉慈訓也。太夫人慈祥樂
善。常製藥輯方。濟人無算。從宦就養所至。修葺道途。

嗣乎不可勝計於經濟治體無不通達尤明心學慕
李二曲先生以孝子爲醅儒重刊其集製序行世又
刻遜菴語錄以述祖德嘗論古今世運有治亂維持
不做者全在綱常乃仿列女傳博採史志纂蘭閨寶
錄六卷先孝行賢德慈範節烈而以智略才華殿焉
又廣搜國朝女士之作選爲正始集二書可爲閨
中之文獻太夫人盡得南田家法受於清於族姑冰
也儀徵相國論爲女中之儒豈虛言哉集中如老松
二萬古鬱葱龍何人種此松蒼濤聲一片圓蓋影千

重鶴骨擎丹壁虬枝秀碧峯只愁春令節雷雨化爲
龍夜坐云清夜當軒坐輕風送晚涼林深渾鳥夢院
靜覺花香徙倚隨欄曲徘徊趁月光長空萬籟寂雲
影漫橫塘七言如春遊云芳草芊芊沒馬跡春光最
好帝城西桃花浪暖魚苗長楊柳陰深燕子低一片
明湖如鏡朗幾重遠岫與雲齊雅遊終日渾忘倦暖
促香輪月滿溪畫蘭云興酣走筆快迴翔滿幅傳神
竟體芳不待月來方寫影分明雨過也生香摹他秋
到抽心細願爾春來放箭長幽雅自然成色相仙姿

水墨兩微茫。憶江南。入絕之二。云花落。花開。總怕知。
幽閨坐怨。雨絲絲。無情。最是天涯客。錯過江南三月。
時柳絮拋殘。江岸頭。一箭鴨綠。釣魚舟。河豚應似。鰭
美。愁說春潮帶漲。淨。諸作情深。於文意味雋永。

滿洲完顏悅姑

允

都統穆理瑪望著有花塚閒吟。曾

輯古今閨閣瑣事。爲花塚叢談。詩亦雄渾。寄外

原注時鎮

右衛云。見說榆林塞。雄藩作壯游。深林晨射虎。大雪夜

推牛。君抱酬恩志。儂舍寄還愁。邊風寒最早。珍重襲

輕裘。

華亭朱靈珠知縣廖古檀景文室古檀以詩名與靈
珠深得倡和之樂嘗攜筆視游虎阜乘舟半塘隨所
至輒賦一詩人指爲神仙中人聞雁云萬里清宵月
似銀數聲曉暝寄情真不知多少金閨女斜背寒燈
憶遠人女廖織雲雲錦著有仙霞閣詩草兼工八法
詩尤敏捷喜高平表妹至云爾我襟期喜共知笑言
頻到湄殘時開奩會看將完繡剪燭閒敲未定詩金
鵬灰深香篆細晶簾風定落花遲晚來又恐輕言別
月底燈前繫夢思領聯神清如繪

宛平林佩環方伯僞女張船山太守問陶室瑟琴譜
和得倡隨之樂詩如夫子爲余寫照戲題云愛君筆
底有烟霞自拔金釵付酒家修到人間才子婦不辭
清瘦似梅花娣遂甯楊繼端同知輯五女主簿張問
萊室有古雪詩鈔進峽云川曲疑無路峰高直入雲
船從山底出水到谷邊分樹影臨流見猿聲隔岸聞
行行將百里回首夕陽懸格頗老健

遂甯張淑徵

問端

船山太守女弟知州丁耦仙室離

尹丁廷楷母和次女采芝紅樓夢偶作韻云奇才有

意惜風流真假分明華自由色界原空終有盡情魔
不着本無愁良緣仍照釵分股妙諦應教石點頭夢
短夢長渾是夢幾人如此讀紅樓余素聞宜人秉性
慈淑工詩詞著作甚富惜未見其全稿又無錫丁芝
潤采芝縣佐鄒廷敬室著有芝潤山房詩詞稿集中
如抵夔門望入陣圖云怪石列江岸先生垂遠謨龍
蛇隨變化水石助馳驅早定三分業空留入陣圖
聲千古恨相望已模糊浣花草堂云萬里橋西路乾
坤一草堂無家尋弟妹報國在文章春暖梅爭孕風

和竹有香仰公吟興健端肅拜詩王佳句五言如山
翠衣邊落瀟聲足底浮山川餘舊恨風雨釀新寒陋
室無人住寒燈有夢還七言如十載離家愁見月一
身多病怕逢秋加餐稍慰慈親意諱病愁防愛壻知
雞唱五更殘月白車行一路曉燈紅事因太好違初
願人到無聊覓舊吟事因太好七字閱歷人語

丹徒順氏教授黃掌綸室知縣鳴盛母道光丁亥冬
氏年八十一曾元繞膝例旌五葉衍祥額氏繪家麀
圖題云久住析津爲舊宅又來中土沐 皇恩承家

孝友先賢訓教士端方古道敦幸有長男偕長婦又
看曾祖抱曾孫一堂五世沾天澤深媿人言積德門
氏祖姑韓姑吳俱以節孝著

餘杭陳燁卿

爾士

字靜友給諫錢儀吉室孝廉保惠

曾祖母有聽松樓遺稿

入集賢文

內載授經偶筆序述記贊跋

論家書

諸著作議論恢宏立言忠厚詩猶餘事耳授

入經部

經偶筆中如論內則子事父母及婦事父母舅姑一

節云此篇所載每朝施於己身者無不整齊端肅然
後適父母舅姑之所蓋婦人不飾不敢見舅姑朝夕

恆是以云敬也。俗敝禮衰，陰教不修，婦人驕情性成，起居無節，或不夙則莫，廢禮於尊長，或俾晝作夜，見譏於邦族，棄齊莊之色爲嬌小之容，綺羅之服日新，金翠之珥彌侈，以爲飾亦已惑矣。古之所謂婦容者，在衣服則澣濯整齊，在首面則盥漱櫛紒，在佩帶則刀觿鍼線而已。何必若是靡也？蔡中郎女訓云：心猶首面也是以甚致飾焉。面一旦不修飾，則塵垢穢之心一朝不修善，則邪惡入之。人盛飾其面而莫修其心，惑矣。夫面之不飾，愚者謂之醜，心之不修，賢者謂

之惡。愚者謂之醜。猶可。賢者謂之惡。將何容焉。故覽
照拭面。則思其心之潔也。傅脂則思其心之和也。加
粉則思其心之鮮也。澤髮則思其心之潤也。用櫛則
思其心之理也。立髻則思其心之正也。攝鬢則思其
心之整也。此又修飾者所當知也。原注中耶女訓見
東漢文紀今以文
選注太平御覽諸書
校正女訓一作女誡又論及所下氣怡聲。問所欲而
敬進之。柔色以溫之。云曾子所謂養可能也。敬爲難
敬可能也。妾爲難氣之下聲之怡色之柔斯父母安
之矣。四禮翼曰。侍父母之側。無戚容。無怨容。無惰容。

無莊容無思容無昏忽之容無不足之容怡怡溫溫
與與恂恂戰戰言承在意先夫氣血調於喜懼疾
病生於惱怒壽親之道無他一悅字盡之矣至哉是
言也又論葩詩采蘋全章云古者女子生十年始習
祭祀之儀矣記曰觀於祭祀納酒漿饔豆菹醢禮相
助奠至於二十而嫁少成習慣已歷十年然後爲大
夫妻能循法度可以承先祖而共祭祀矣禮教之衰
人不知敬至於祀事猶或偷惰奉羞而進或委之婢
僕拜起之際臨以忽畧言動在意雜使經前漫無誠

敬之容焉有感格之理男既若是女更可知宗室之
教不修禮儀之節不講述其嫁也烏能循法度於夫
家有齊尸奠以答神休哉吾家祖訓每令節忌晨雖
蔬肉不豐而堂必潔靜薦必躬親幼子童孫以次凝
立無敢涕唾驚歌女子隨於母側使觀於祭祀抑亦
公宮之遺意也又論邶風燕燕之詩喟然歎曰莊姜
之賢而能逮下三代以來未之有也或曰樛木螽斯
小星江汜之詩豈不如燕燕子何獨贊美此耶予應
之曰太姒之德固美矣而文王化行天下豈獨遺於

后妃大雅云刑于寡妻至于兄弟以御于家邦然則
太姒之德文王有以化之也江汜之詩方媵待年於
國而嫡不偕行其後被后妃之化乃自悔而迎之其
始實有闕焉小星之詩夫人雖無妬忌然肅肅宵征
下情彌苦亦非和柔之盛德夫以衛莊公之無道惑
嬖妾寵庶子莊姜賢而失位不見答於莊公誰浪笑
敖祗攬我心其無思齊之化可知也日月之詩云胡
能有定甯不我報卽石碯所言將立州吁乃定之矣
莊公不能用其言至於桓公弑州吁立而戴嬖大歸

於陳於是莊姜作詩以送之每章重言燕燕者傷已
與戴嬀不能如兩燕之相從頡頏下上而不相離也
其卒章曰先君之思以勛寡人夫以莊公之無道而
戴嬀猶以先君之思勉其夫人可謂難矣莊姜又美
其溫惠嘉其所勛而咏歎之嗚呼自古以來妾媵之
於夫人恩義相信未聞及此者故曰莊姜之賢三代
以來未之有也余見歷來閨媛通經者甚多矧能闡
發經旨洋洋灑灑數萬言婉解曲喻援古誡今嘉惠
後學不少洵爲一代女宗因擇尤切閨閭者四條於

此集中載有婦職集編序輯歷代后妃表成詩以落
之此兩書必然大觀惜未得讀耳

聽松樓詩筆亦覺靜氣迎人題湛華老人畫水仙云
伊人不見渺湘波一夕寒窗夢澗阿琴語漫隨流水

去仙情終覺在山多招來春氣生冰雪抱得冬心謝

綺羅等是南樓貽畫學萬蒼翁法較如何題二吳畫

扇

原注俱先姑戚恭人遺物云靜拈澹墨寫深叢空谷相於攬佩

中三十年來香不滅卷舒日日坐春風

原注吳孺人恆雙鈞墨蘭

孺人適海甯張氏乾隆戊申七月寫此

湯湯流水去何之寫韻樓中夕

照遲長憶北堂披拂處霜邨烟岸語歸期

原注吳宜人致疏林

茅屋宜人適桐鄉程春廬

職方寫韻樓其所居也讀林德陽集云半壁湖山

夕照冥一聲樵唱出冬青歸來空樹春風華京落花

魂喚不醒

山陰商雲衣

采

諸生羅夢青室著有花閒草綠窗草

落花二律云走馬廻塘細草齊有情常自逐春蹄且

教天上看成雪敢恨人間踏作泥紅板幾條村徑杳

青烟一片酒旂低紛紛蜂蝶還無數舉閣朱樓路已

迷淡抹斜陽欲暮時看花猶是惜歸遲餘香不信全

消日瘦影重疑未放枝草滿長隄成遠望山圍故國
賸相思清尊短拍年年事腸斷春閨祇自知感慨生
情低徊無限

四川綿竹李月樵

錫桂

趙東垣室著有紅蕉碧梧軒

稿題蜀中閨秀浣花濯錦集云閨閣鍾靈秀天教蜀

國多詞源開帝后

原注首
塗山氏

花樣學星娥江漢風同化

巴渝女亦歌生成雲錦爛何待浣春波月樵遊德陽

曾靜香

宏邁

同輯

國朝閨秀所知集刊而行之靜

香有辦香閣詩鈔述懷云夙興思婦職中饋事何如

雞黍嘉賓餉蠶桑
卒歲儲奉親
慚菽水教子樂詩書
豈敢辭勞瘁
終朝自拈拮靜香爲舉人德琮女姑素蓮妹碧蓮俱能詩

桐城姚委羽

鳳翔

方雲旅室有廢憶集佳句如樹管

月明開不閉簾因風急捲還垂無錢可買歸時卜有恨難傳別後詩薄田收儉徵呼急病骨愁深經理難金釵半付舟車價綵筆多題離別篇皆眼前景寫得入情

漢軍楊瑞芝

瓊華

香巖廉訪重英女孝廉姚明新室

浙江同知德豫母著有綠窗吟稿憶余幼時曾隨外
王母洪太孺人晉謁嘗聞洪太孺人云太宜人性至
孝姑目雙瞽百藥罔效太宜人朝夕祇之竟得復明
父春巖公於乾隆三十三年隨剿緬甸被執訛傳已
降實抗節不屈緬人囚之僧寺越二十一年緬甸投
誠始送還卒於途次奉 旨褒獎釋其子長齡出獄
授三等侍衛太宜人當父陷緬甸時素服持齋焚香
籲天願得冤雪生還弟在獄時遣人周卹之教子嚴
肅愛民如子所到之邑莫不稱頌彼時余纔數齡不

知太宜人能詩今讀吟稿知太宜人深於學者如緬
甸投誠送父還朝云廿載棲遲寄緬僧孤臣心跡玉
壺冰 九重明詔稱蘇武萬口訛言說李陵地拆金
沙雪盡黑天開金壁鐵爲繩白頭辛苦青蛉驛痛哭
迎親苦未能聞弟長齡蒙恩釋出獄云聞道金雞下
赦竿廿年今始脫南冠淚凝襟狂傷公冶血灑弓衣
姬木蘭絕域丹誠生馬角 九重雷雨洗忠肝遙知
多病垂衰母應爲嬌兒進一餐二詩從性情流出一
氣卷舒悲喜交集之神情畢現紙上他如瞻園老樹

齊云蒼際濃雲重蟠根半薜苔枯枝龍化去老幹鶴
飛迴古瓦秋聲落虛堂夜雨來徐公不可作嗟爾棟
梁材感懷云荏苒年華改思親淚泣然歲憐殘臘暮
月目異鄉圓笑語三更夢雲山萬里天登樓無限意
可有雁書傳寄妹云玉樹凋零感謝庭風波回首幾
曾經綠窗粉本應翻樣不繡鴛鴦鴿小姑姚素
玉題綠窗吟草云蘇家巧思謝家才浪博芳聲豔玉
臺識得溫柔敦厚意拙思須本二南來

武進王采薇

薇玉

號玉珍知縣光燮女觀察孫星衍

室有長離閣集采薇愛讀道書時有出塵想歿年僅
二十四詩亦清超如舟過丹徒夜半與夫子登山岸
行云幽行已三里村落半攤扉雙鳥時依樹孤螢不
上衣月高人影小潮定穩聲稀沿水星星火歸鷺宿
鷺飛佳句如蟲依香影垂簾網蛾怯晨光墮帳紗一
院露光團作雨四山花影下如潮

陽湖劉撰芳

瑤懷

編修嗣綰女兄少尉虞明峰室著

有問月樓草撰芳幼承慈訓早有詩名重九寄諸兄
弟云杞菊花前秋興豪未知佳節可登高好邀明月

成三影休使新霜感二毛門外更無人送酒離邊剩
有我題糕邇來懷抱從誰訴倚徧西風讀楚騷母金
壇虞藹仙友蘭有樹蕙軒集贈彭云脉脉挑燈夜寥
寥對月時苦衷千萬緒惟爾最深知藹仙古詩甚佳
長洲陶月樓太夫人^諱號慶餘主事彭希洛室編修
蘊輝母著有瓊樓吟稿太夫人生有夙慧十四歲成
百花詩愛讀佛書手書金剛彌陀等經撰慙媿吟三
十首歸彭一載因婉而卒詠鸚鵡云一夢喚回唐社
稷千秋留得漢文章一聯小題大做未有如此雄麗

者

崑山顧絳霞太夫人

蘊玉

主事彭希涑室詠我相國

蘊章母著有芸暉閣吟草太夫人工書結體遒整酷
肖率更白燕云銀剪輕風送曉寒穿來飛絮訝春殘
那知暫向林間宿猶作枝頭霽雪看詩有畫意相國
與外子同譜

吾浙石門吳筠仙詠陶彭澤云挂冠歸去閉衡門三
徑蕭疎松菊存識得先生胸次濶人間到處有桃源
使陶令有知必爲首肯

仁和陳牧祥

慶能

諸生應延鐫室著有牧祥學草春

日云風和日麗一塵無小院春來似畫圖柳帶薄烟
花帶霧礙他歸燕也模糊牧祥與歸佩珊段淑齋太
夫人唱和詩甚多此首尙非其得意者

崑山李晚耘

德純

號樹蘭署正李存厚女訓導蔣如

沂室有蘭韻樓草詠吉貝花云圓鈴箇箇綴疎條白
比蘆花雪未消百畝秋收同穀穗一年生計怕風潮
經繙梵國方言譯圖會揚州職貢饒休列江南閒草
木回春力不讓豐貂晚耘爲吳靜香女史于婦工篆

法書寫蘭詩筆能追乃姑

吾鄉吳韻卿芳珍號清麐大學士徵女副指揮李增

厚室有清麐閣吟草爲晚耘姪女畫蘭云平池花雨

慣修書越樣清才我不如玉筋規模追鐵線莫教汗

簡誤蠅魚原注姪女工
篆書善寫蘭

臨桂朱靜媛太夫人鎮舉人況祥麟室少吳觀察澄

雨人主事澍母有淡如軒吟草詠米云一粟來非易

三升食已豐飯抄雲子潔匙捲雪花融種種看秋穫

穰穰驗歲功素餐天下是不獨繡闥中詠菜云種菜

誠良策披吟自蓄詩
咬根憐爾輩學圃得良師
生意饒三月嘉蔬備四時
蒼氓多此色灌溉莫遲遲
頗有深味詠蘇若蘭云
織錦迢迢寄遠方
迴文端合訴廻腸
才思獨創新奇格
難向人間索和章
結句最妙外子爲少吳觀察門下士

長安杭玉輝

溫和

縣尉崇德女諸生徐枚室十九歸

徐三載夫亡欲以身殉母姑阻之得不死孝侍舅姑
歿後殯葬如禮晚年孤苦無依間日一食好吟詠不
以示人年至七十其戚白觀輯其息存室吟稿爲開

州馬大令允剛見之歎賞序而梓之集中如繳奩云
紈綺榮身物簪珥飾容具兒身無所託紈綺安所附
兒容不復修簪珥何所顧空餘此粧奩衣笥閒藏注
飲泣奉高堂留充嫁與娶姑間亦心傷涕泣零如雨
含淚勸姑前兒安命所遇從今不出關釵荆與裙布
賊情原注嘉慶十一年九月初一日教匪出山谷云兵戈困已久災沴復
相侵世亂憂思積家貧老病深艱難薄命計慮碎
愁心恨被詩書誤桃源何處尋萬眾流亡盡零丁獨
閉門鼓鼙鳴四野烽火照孤村喪亂拋親故烟塵隔

弟昆何人間消息生死任乾坤寄楊甥云骨肉半蕭
條窮途獨寂寥病來眠盡日愁去坐通宵衰老年遲
暮荒村路不遙親情惟有汝足跡莫迢迢沈懷云厨
寒日日少炊烟獨背閒窗聽雨眠一院涼風人寂寂
滿庭落葉暮秋天謝南鄰送米云伶仃誰念此孤貧
無食無兒衰病身高義感君如杜老猶能撲棗任西
鄰悽惻蒼老格似少陵

浙江富陽黃貞詠愁一字至七字體云愁旅館重樓
閑處惹冷相勾曲傳心孔重壓眉頭鵲啼黃葉雨鈴

語白楊秋感栗軍中按拍琵琶江上停丹金釵暗卜
人千里玉杵敲殘月半鉤鶻啼一聯尤覺貼切

寶應成素庵

初蘭

觀察觀宣女兄諸生劉履僂室著

有素菴詩鈔焚餘集平山堂懷古云蜀岡高居海西
頭勝跡登臨似舊游楊柳陰中風不斷菱荷香裏雨
初收六朝臺榭雲烟渺一代文章江漢流同向萬松
亭上望萋萋夕照古揚州

德州盧蔡洲

介祺

大學士蔭溥女同知焦家麟室著

有妙香閣詩稿夏夜卽景照碧筠姊聯句云今夕圓

藥月碧洲何辭澈夜看天空諸品靜碧筠人坐廣庭

寒古寺鐘初動碧洲深閨篆未殘簾垂銀蒜押碧筠

燈結蕊珠攢雪藕傾瓊液碧洲朱櫻薦玉盤調冰宜

水榭碧筠容榻近琅玕草際螢光閃碧洲花間蝶夢

闌風清吹袖薄碧筠簾靜覺衣單斷續簫聲遠碧洲

丁東漏點珊吟詩賦棠棣原注去歲靜儀碧筠三妹赴保陽聯句憶

金蘭聚散驚時換碧洲迢迢恨路漫音書雖有達碧

筠離緒總無端強說談心易碧洲偏慳晤面難絳河

初耿耿碧筠珠露漸溥溥催曉鄰雞唱碧洲穿林宿

名媛詩話 卷五 雪樓

鳥安明星看已沒

碧筠

清興有餘歡著洲長女焦吟

雅

學漪

著有竹韻軒詩草白菊云老圃一句淡超然

傲衆花暗香團曉露本色古秋華籬畔霜痕爭堦前

月影斜白衣添素醺三徑興彌賒次女筠石

希淑

仕

丹云畫簾日影動遲遲羨汝東風第一枝花滿瑤階

春似海烟籠綺帳雨如絲太平富貴各臣業絕世才

華學士詞十二闌干凝望久洛陽真品幾人知皆能

克紹家學吟雅筠石兼工六法

仁和黃衡卿

雲湘

知縣春渠女孫諸生陸瀾生室著

有酒碧樓稿春日書懷云瘦盡丁香倦不支杏花春
雨捲簾遲玉釵不換元稹酒紈扇慵裁柳惲詩家事
瑣同琴百衲愁心密比網千絲夜來更覺無聊甚剔
起銀釭讀楚詞醅菜云綠蠟新浮蟹正圓嘉蔬堆上
水晶盤壓殘霜露色逾淡脆入齒牙聲更寒秋未晚
菰名士句雨中春韭故人餐何如入甕饒滋味也與
花豬一例看清新慰貼工於賦物

雲南趙州蘇竹窗侍御霖渤女拔貢龔錫瑞室村居
云山播嵐光水蘸霞村居風味足清華一簾鼠跡桃

花米滿鼎松風穀雨茶黃髮拾薪恆事業蒼頭種菜
老生涯論文也或高軒過笑拔金釵付酒家村居領
聯如畫

太倉奚伯琴

音

高聲振室著有夢香詩草伯琴涉獵

經史平居喜談風節慷慨若古烈士夫歿引刃自裁
脰已殊家人環救得蘇仍以哀慟死雜詩云桂子入
戶秋風香迴廊小立聽啼螀美人去矣天一方遣我
機錦母相忘雙星熒熒隔河梁天青月白愁中腸波
寒木落思故鄉遠砧悠悠更漏長甘泉毛貞祥知縣

夢蘭女諸生陳壽祖聘室通經史工小楷字陳生未
嫁而陳卒訃至女請素服往夫家翁姑不可乃歸母
家不食死道光壬辰年事也題憚宜人湘飛白水仙
便面云苕溪溪水淡如烟雪月中宵狀宛然粉本翻
新留子固至今墨妙繼南田二人節烈皆足千古

海鹽朱蕊生

美英

朶山修撰昌碩訓導美鏐美鑾妹

廣元姊諸生蔣施勤室著有倚雲樓遺草苔痕云東
風二月麗人天匝地莓苔分外妍濃綠層層綠砌畔
遙青點點貼階前雜將芳草痕難辨襯到殘花色倍

鮮正是當窗無箇事終朝相對擘吟箋紙扇云裁雲
疊雪總相宜誰剪湘筠費巧思出手正當三伏候聚
頭要訂百年期粘將蝶粉春歸後撲到流螢月上時
出入願隨懷袖裏奉揚也許繡闌知願蕊仙叔母疑
香閣遺稿云夢斷吳淞天一方哦松相與伴淒涼可
憐偕樹軒中月曾照當年覓句忙

長沙毛素蘭

國姬

選湖南女史所見集末刻已作十

章冬夜云寒風瑟瑟入深閨試捲珠簾一雁啼箇裏
梅花何處落夢迴細路月淒迷深情綿邈略見一斑

陽湖莊蓮佩詩已見前卷今見秋水軒詞甚佳如柳
絮蘇幕遮云早抽條蓮作絮不見花開只見花飛處
繞砌縈簾剛欲住打箇盤旋又被風扶去野棠村芳
草渡離却枝頭總是傷心路待趁殘春春不顧點向
空池恨結萍無數海棠浪淘沙云夢斷小紅樓宿雨
初收鬪晴蜂蝶上簾鉤一院海棠春不管儘替花愁
吟賞記前游轉眼都休風前扶病強擡頭知道明年
人在否花替儂愁

昭文王素卿

韻梅

有問月樓藁素卿工隸善填詞適

非文人扣鬱早卒詩極淒婉藁爲同里孫心青太史
序而傳之春暮病起云瞥眼芳時事事非暖風斜日
柳棉飛瘦紅庭院鶯聲嬾暗綠簾攏蝶夢稀一病纏
綿忘歲月百花开落到薔薇愁懷欲說何人共腸斷
吟成淚滿衣白海棠忽綻一花作鮮紅色感賦云孤
館淒清欲睡難涼風瑟瑟月嫋嫋玉闌干外秋痕澹
紅淚花稍一夜彈

元和高湘筠

詩

舉人朱酉生綬室有補脩詩詞小集

古詩甚有魄力錢貞女詩序云錢湘舸侍郎女名淑

字冰如許字王利謙未嫁夫卒請命于父歸夫家守
貞翁病危刲脣以進得痊家事操勞歷盡艱苦曾爲
西債所逼投繯幾絕余欽其節哀其遇爲作是詩云
嗚呼士生重氣節女生重貞烈貞女十八歸太原三
十餘年殫心力死喪婚嫁任一身校叙典刑無餘困
高天不照白日黯坐使貞孝名沉湮西人何揚揚暴
纍子母相權將負汝數十縉追呼暮登堂妾生貴家
女妾心凜冰霜疾風暴雨且不入此輩意態何披猖
語汝且歸去作計將汝償償之不得入牢心傍俛殘

燈飄焰鴟鵂泣宛轉朱絲梁上結貞孝豈能從此畢
一室驚呼若有神貞女回生重鳴姻親族無言鄰里
悲令我傷心感嘯昔汝之祖母我曾姑我父與汝稱
叔姪數稱貞女才飛絮吟春風數稱貞女孝殉臂療
而翁父望重靈閣女儀式女宗嗟嗟識字裏思始詩
誦柏舟貴形史閣中豈乏辨琴才惋惜悲笳發微旨
噫歎賦文姬失行詎足傳孟德憐才尙如此汝父
先皇舊侍臣文章奉行推刺里豈無故舊在朝堂風
化維恃爲君起嗚呼貞女汝母死按水如爲三三聚

女工詩善畫日題畫梅云愁對橫窗玉一枝墨雲和
淚寫清姿寒心久抱冰霜慣箇怨風催總不知其立
意堅貞亦可知矣

風人之詩長於言情故得絃外之音學人之詩晦於
用意轉少天然之韻從古如斯不僅閨閣

婁縣王澹音

祖徽

知府春煦女。雋尹揚紹文室。雋尹

滋母著有環青閣詩稿古詩感時敘事委婉有情近
體弔古懷人蒼涼多致如己未八月川匪竄逼宜境
城中僅文職數人家大人督率士民防守羽書絡繹

援兵不至感作云烽火連圻西復東紛紛將士在論
功傳來風鶴聲偏警化徧沙蟲劫未終野哭千家秋
草外悲笳幾處夕陽中書生簪敵原非分借箸聊存
鐵石忠借外入都次韻酬別綺思云河橋楊柳綠絲
絲惜別還傾酒一卮客枕定多春草夢離懷偏感棣
華詩平生甘苦嘗相共此後艱難各自持忍說倚闌
愁白髮天涯悽斷望雲思佳句如荊州道中懷古云
千古詞章開屈宋三分事業創孫劉寄故鄉姊妹云
關心風雨憐同聽到眼鶯花感舊游望江樓野眺云

雲起橫連巫峽雨江流直接海門秋寄蕭子綺思云
鴻雁幾時從北向鴈鵠終日望南飛借外省先君墓
云丙舍三年頻繞夢申江一棹乍乘潮妹綺思

崑藻

諸生陳价室有挹翠軒詩稿五古直追王孟近體沈
鬱悲涼可稱閨閣一難送耀卿小叔歸里云憶昔燕
京地嬉游童稚年乍驚顏狀改始覺歲時遷聚散隨
風絮行藏逆水船相看俱落魄何以慰重泉汝兄貧
且病汝姪幼還癡門戶我多累艱難孰護持庭闈天
末遠音信日邊遲差喜傳消息秋風報一枝

原注時得香士

小叔秋
關捷音

九日北樵署中感作序云夫以節屆題糕時

逢簪菊正逸士登高之日騷人覓句之秋綠尊紅袖
爭栽豆蔻新篇紫蠅黃花競作茱萸佳宴莫不人欣
高會徵來一卮筵歌況當天惜良辰不送滿城風雨
殢有羈人獨深秋感值金風落帽之期興客子無衣
之歎聊吟短什用寫旅懷詩云難將消息寄歸鴻惆
悵誰知晉道窮汗漫心期千古上酸醃味豔一杯中
蘆花有恨先驚白楓葉多愁祗暫紅日暮吳江景蕭
瑟幾人於此感飄蓬

環書閣集中贈女史唐墨蘭并序云墨蘭女史姓唐氏名桂凝適毘陵孫少尹云卿芸卿名繼元與外爲世交庚辰仲夏應常雖使聘來津館于余寓因出女史所繪扇爲贈並爲外及余寫墨蘭課子圖侍妾子女均入圖中無不神似墨蘭之畫圖已名布京師而贈余者尤爲工麗余喜其畫之精而惜其遇之蹇也爰賦長歌以贈之云墨蘭女史顏如玉家住吳門出名族生小聰明失怙寒阿母劬勞親教育十歲辭家事舅姑相看絕愛掌中珠金鍼七夕穿絲纈黛管三

春學畫圖遶欄諦玩調顏色傳粉研硃還吮墨弱腕
濡毫寫折枝圖成沒骨工無匹荏苒并年入洞房洞
房燕婉勝尋常畫眉夫婿如周昉妙手佳人似趙昌
秋毫獨竊天工巧雙管齊含春澤好已見榴英結子
多忽驚椿樹凋霜早蘊草祗承堂北歡棣華豈意亦
摧殘堪憐獨活柔枝弱

原注芸卿有嫂
年十七而寡

轉覺全生門

戶難倡隨同調誠佳事無那長安居不易十指辛勤
聊濟貧一官淹蹇長需次却倚丹青是筆耕翻教聲
價重京城家家粉黛求描景處處冰綃乞寫生芳名

遐邇流傳遍聞名恨未能相見
擬將翰墨結因緣貽
我國樂兩執扇開函朱碧倍鮮明
氣韻殊非俗筆成
獲英半吐迎風豔瓊蕊方開帶露清
因知名實無虛
讓珍藏什襲承佳貺久慕長康擅寫真
貌由全家入
屏幃披圖笑貌共依然
叢桂幽蘭點染妍坐間因復
談家事爲道生涯絕可憐
初看名畫已難得復聽斯
言還太息由來造物忌生材
當時應悔拋心力往往
名高坎坷多如居絕藝
奈君何投桃深感美人意
報
乏瓊瑤爲作歌

雲南大理王堯華題雙松圖云濃淡生枯落筆難龍
鱗皴起墨雲蟠草亡木卒知多少矯矯雙松傲歲寒
頗有勁氣堯華工書善畫

合河康曉滋

瑞蘭

總督基田女有留夢軒詩草筆致

工麗牡丹云可是天心矜富貴遂教國色殿繁華柳
絮云晴逐掠絲繁別浦暖隨流水入孤村梅花云梨
雲縹緲難成夢烟雨空濛欲斷魂憶菊云別來南國
人應瘦吟到西風夢亦知

崑山沈德淵

珠

字散華有刪餘草詩情清逸題貽硯

齊集云荷氣入珠簾微風度深竹涼波曲沼生鱗鱗
嫩寒玉愛此冰雪詩攜對芙蓉讀讀龍心正閒數峰
湖上綠登快閣云傑閣臨天境凭闌正夕曛湖光初
過雨山氣欲生雲疎磬林間出清歌柳外聞勝游懷
往哲千載賸遺文絕句如天香館坐月云簾捲蝦鬚
夜色微疎螢幾點逐人飛涼風吹散桂花影香霧一
身秋滿衣

吾鄉湯湘綠

補明

有蘭雪軒遺草注問樵望喜席妹

怡珊書至云去從蜀道折江行今見齊烟九點輕人

三
覽山川誇眼福天教脂粉壯詩情傳來尺素殷勤甚
宛轉清揚笑語傾何日香溫重把袂水雲長與白鷗

盟

名媛詩話卷六

錢塘沈善寶湘佩著 受業德清俞德秀校字

吾鄉多閨秀往者指不勝屈近如梁楚生太夫人德

繩及長女許雲林初次女雲姜延錦項屏山綱項

祖香綴汪小韞端吳蘋香藻黃蕉卿異黃穎卿履鮑

玉士靚龔瑟君自璋諸君詩文字畫各臻神妙楚生

太夫人爲許周生駕部宗彥室有古春軒詩稿落葉

云秋風蕭瑟度寒林搖落關河警客心立馬祗愁斜

照濶聽禽猶記暮烟深亂吹野外蓬蓬去獨舞池心

得得沉望斷金微霜月白可堪急響間疏砧山紅澗
碧已都非賸有空林挂落暉煮茗香清三徑掃曳筇
聲碎一僧歸詩人老去留高格仙子閒來補故衣誰
道摧殘無可惜攀條有客尙依依坤孫赴閩感賦云
未老慈親髩有絲宦游端爲草堂資莫愁冬月江寒
重不碍霜風山徑遲

原注時冬
旱暖甚

顧我傷心多感觸幸

孫勉力自維持道逢驛使書頻寄好與南枝報歲時
雲林號伯孫又號因姜休甯孫子勤承勲明經室詹
主簿壽銘母有福連室詩稿性情伉爽與余最契密

在里時春秋佳日湖山勝處二人必偕遊吟玩先余
一年入都次冬余亦北至雲林喜甚招游天甯寺余
贈詩二絕云憐君先我整吟鞍都下名花次第看見
說海棠紅似錦可曾綠綺月中彈

雲林善
鼓琴

浮圖百尺

出塵寰曲繞城闌路幾灣晴翠撲窗雲壓檻最宜朝
爽挹西山雲林和云聞君纔得息征鞍賜出新詩子
細看

君刊初
集見惠

知已忽從天外至何愁古調一人彈軟

紅一載逐塵寰每憶西泠水一灣客舍重逢如夢境
西山影裏話湖山福連室詩稿中如題蝴蝶花館詩

存云秋扇吟餘恨轉賒筆床墨匣了生涯
蘿蕪豈是忘憂草蝴蝶眞成薄命花
機上廻文空錦字天邊幽怨託匏瓜
羅浮冷伴寒梅葬惆悵蠻風蜚雨斜
西溪觀蘆花云十八彎環曲港幽
平橋古木引扁舟白迷兩岸蘆花影
瞥見雙飛掠水鷗寒鴉急陣捲西風
晴雪漫天壓短篷雲水光迷融一色
溪灣莫辨路西東與玉士夜話云
廿年舊事燈前影百分閒愁鏡裏眉
柳絮云畫出謝家詩思好一簾晴雪
舞春風皆俊逸可喜

項屏山號親卿大司馬許演生乃普室仁山學士彭
壽母工詞賦善畫有翰墨和鳴館詩稿筆致輕靈盡
由天分之高題畫竹云年時避暑憶江鄉爲愛蕭蕭
竹一牆今日移栽紈扇上無風無雨自生涼秋紅社
中詠雁來紅云已著西風又著霜耐寒猶作女兒妝
瀟湘雲水人何處草草題紅字一行

屏山詩畫文詩無一不佳余嘗讀其祭錢孟端文二
篇悽惻纏綿不知是墨是淚令人增蘭譜之誼今錄
於此文曰嗟乎孟端來耶珊珊愛而不見涕淚沈瀾

孟端之生禕惟女士系出彭城家於長水奕世通德
匪曰純綺阿翁無兜惟女是視長眉自掃居然才子
曹家著述左芬文史作耦阮郎徽佩匹比阮郎貴曹
清望日起阿翁使相持節萬里君住京師與我咫尺
我族小姑爲君伯姒我往從之君見而喜少我十年
呼我以姊君畫致佳詩極清美挈我同調笑言疊疊
感君蘊藉媿我客鄙風流在目形影相倚於時相公
述職莅止阿姑在滇遺塵如屣君也雞斯縞衣纒纒
隨翁及夫車馬南指我送於野泣涕綦綦自此遂遠

銷魂而已言從辛卯迄於癸巳聚首三年兩年餘耳
自與君別歲月殊駛欲慰我思遺我雙鯉發書再誦
如環終始平生之歡詎意止此一日小姑來告君死
將信將疑或云不似繼訪甚確所傳復詭謗疾何由
殆其致毀蒼山高冱海瀰瀰欲成報書俄驚哀誄
傷心故人遽爲新鬼啟我藎篋見君遺珥詩篇字說
猶復數紙出詞瓊琚吐氣蘭芷孟端孟端華盛方爾
九天九淵豈宜若是音塵宛然已矣休矣嗟乎孟端
豈徒悲酸重君才地丈夫所難而君勿矜績學自殫

重君門閭海內爲官而君勿驕淡然自安重君風儀
廟重靜嫻君尤自持勿敖勿謾尊章孝敬先後和顏
相夫勤禮謹於悅聲呼分阮郎中道以鰥無子無女
誰繞牀間蕭條天末竟蓋一棺長日彌促溫風乍寒
雁行幾輩聞言潛潛奠君桂醕荐君椒蘭嗟乎孟端
魂其來還遙天冥漠幽泉潺湲化爲黃鵠毋巢神山
倘能挾我遊戲人寰

汪小韞號允莊著有自然好學齋詩鈔行世小韞博
學強記穎悟非常九歲工詩吐屬已過老成歸陳小

雲別駕時有金童玉女之目小雲卽陳雲伯文述大
令之子一門風雅討論切磋得竟其學詩派神似乃
舅專以選色鍊聲爲主而用意亦能深婉因人論明
詩多沿歸愚舊說尊李夢陽王鳳洲而薄青邱小韞
非之竭數年心力選明詩初二兩集叅以斷語多知
人論世之識集山海內詩家莫不折服如三十家題

入總集

詞顧亭林云燕趙悲歌騎瘦馬山陵酌酒拜啼鵲陸
桴亭云新蒲細柳孤臣淚流水桃花野老家陳忠裕
云風凋玉樹宮嬪淚雲暗蒼梧帝子愁夏節愍云鶯

花有恨平陵曲滄海無家楚澤吟陳元孝云雪飄六
出悲貞魄燐化全家弔國殤題方正學集云松經雷
雨空山刼梅歷冰霜太古春小韞史學旣深其激揚
忠孝表章貞烈之詩取材宏富比例精當卽鬚眉大
家亦常卻步如元遺臣詩中弔戴叔能云行吟屈子
常懷楚避地留侯矢報韓顧仲瑛云僧帽儒衣逃世
感殘山剩水故宮愁張吳紀事詩中張士德云蜀道
流人悲李特秦家壯士哭符融王元吉云紫桑甲子
遺民錄薇蕨壬辰野史亭曹太妃云孟昶偏親遲父

宋陳嬰賢母解尊秦劉夫人云烈性難凋霜裏柏貞
魂應化火中蓮劉節婦云新婚慘別辭巢燕古戰場
空啄肉烏齊雲樓殉難諸宮女云銅仙淚下春難駐
玉女星明夜有霜集中佳句如仙不能徧錄悼姬人
紫湘云雲中紫鳳長離鳥池上天桃薄命花淡墨似
烟書有淚遠天如水夢無痕秋柳云鏡檻春歸愁遠
黛妝樓人去瘦纖腰聽雨云鶴欄荒苔聞遠雁虎山
疎樹急清砧悱惻芬芳閨中罕有其匹

聞小韞自賦柏舟卽奉道教諷經禮斗修煉甚虔常

語人曰名士半愁美人幽怨都非究竟不如學道自然好學齋末卷有飄飄出塵之致病中留別袁蘭雲師管靜初夫人小姑茗仙云聚雪搏沙感百端天風吹我羽衣寒一生惟有修行好萬事無如懺悔難青玉合鐫王妙想黃金應鑄魏賢安白頭翁已年衰矣眠食應須著意看口占告逝云四十餘年了夙因乞翁文字爲傳神華嚴法界波羅密知我來朝去路真小韞議論古人具有特識集中論古偶存五首第一論吳蜀云三國以荊州爲樞機蜀失荊州人多歸咎

武侯余謂此昭烈之過也。昭烈既定蜀，遣一介之使，迎孫夫人正位中宮，則吳蜀交固，荆襄之勢成，而漢業可復。乃惑於法正之言，別立吳后，致無以服吳人之心。荆州失，猊亭敗，永安託孤，而漢業從此不振矣。人必先疑也，而後讒入之。法正賣主小人，豈真有愛於昭烈哉？實欲乘隙弄權耳。觀於立吳后，而武侯不諫，其情事可想法正不死，武侯君臣之際，未可知也。千金之隄潰於蟻穴，女子小人之際，其慎之哉。詩云：一失荆州，漢業休。曹劉兵劫，換孫劉。本來借地緣婚。

事何事寒盟啟寇仇魚浦至今遺石在蠓磯終古暮
潮愁負心畢竟君王誤莫以疎虞議武侯余常讀三
國每恨昭烈不迎孫夫人而別立吳后孫夫人仍爲
昭烈死節而後主亦未加尊諡後人亦未有論及者
不勝扼腕茲讀所論不禁五體投地他如論唐高祖
之不立太宗明高祖之不立成祖致啟爭端喋血禁
庭傷殘骨肉若以太子太孫爲藩以太宗成祖爲儲
必無爭奪之患議論英偉可破拘墟之見

吳瀕香最工倚聲著有花簾詞稿行世詩不多作偶

一吟詠超妙絕塵丁酉秋仲知余欲北行約玉士儻

於香南雪北廬

蘋香室名

時晚桂盛開周暖姝攜花適至

蘋香卽留共飲四人縱談今古相得甚歡余卽席走

筆留別三章云桂花庭院絕纖塵主是嫦娥客玉真

知已喜聯文酒會相逢况有散花人秋風江上促行

舟一曲驪歌萬縷愁雪北香南回首處月明有夢近

杭州令暉佳句宛如仙何事愁吟贈別篇此日匆匆

一尊酒蓮紅水綠思無邊蘋香玉士暖姝皆爲贈然

各有贐贈却之不得次日蘋香和章至云寒梅高格

出風塵一笑相逢愛性真

原注余晤君與夏氏園看盆梅一見傾心遂成莫逆

多少西泠名媛作環花閣外更何人

原注吾杭閨秀除汪小韞外無

出君右者環花閣小韞齋名

嬾上河梁送客舟淡烟衰柳黯然愁

故人知我長相憶夢繞燕雲十六州半生歷劫似飛

仙華負才華賦藹篇此去油窻花戶裏離愁莫更到

吟邊後玉士寄和云襟懷冰雪迴超塵雅愛論交意

率真愁絕花簾相對處西風應念遠遊人如水離情

逐去舟秋光滿眼只添愁軟紅十丈春明路又見才

名動

帝州遊戲原知屬散仙河山壯麗入新篇故

園縱有琴尊樂別恨無由寄日邊暖姝寄和云沈寥

晴宇四無塵休擲重陽語最真

重九日小園致爽臺登高東坡云寒食重

九不可

虛擲屋上青山下流水登高還憶北行人茱萸且

自酌瑤丹登眺家園不散愁差勝當年陶

潛與孟嘉

陸沉空復感神州鮑令暉同吳絳仙沈雲英去贈詞

篇今朝望遠增惆悵忽動離懷到酒邊暖姝爲錢唐

魏滋伯廣文謙升繼室

吳蘋香花簾詞稿刊行已久曾爲余書橫披湖上春

暮四闕尙未付梓近聞奉道甚虔懺除綺語亟錄於

此點絳唇云二月春寒放船河暮西冷去垂楊縷縷
未是藏鶯處撲面尖風不許吳儂往無情緒讓他鷗
侶自作湖山主蝶戀花云石磴穿雲修竹繞未到羅
浮只說西冷好眷屬神仙春不老玉龍呼起耕瑤草
試向初陽臺上眺日月跳丸擲擲紅塵道鶴夢千年
迷翠窈香泥何處尋丹竈浪淘沙云徑曲石闌空窗
戶玲瓏試香池館費春工吹落梅花殘照裏撲面東
風點塵響弓弓嬾去移蓬湖光只隔一牆紅却被青
山濃笑我枉作吳儂生查子云閒中秀句多靜裏塵

襟少泉石助琴材清響琅然好臨水卷書帷隔竹支
茶竈幽綠一壺寒添入詩人料清老無塵造詣益進
蘊香消夏詞十章頗能描摹真景余與玉士和之今
錄原倡一章云喜得朝來女伴添曲房深下水晶簾
呼盧喧雜圍棋靜愛把南唐葉子拈三絃彈唱近風
詩半似楊枝半竹枝體貼家常兒女話繡屏側坐聽
南詞玉士和云爲愛涼蟾坐夜分羅衣旋換罷香薰
幽蘭不見花開處葉葉風枝剪翠雲玉士最賞余之
碧影玲瓏涼似月侍兒含笑試瓜燈之句玉士題余

鴻雪樓詩稿云關心菽水貧而樂放眼雲山壯且悲
可爲知己之言王士爲諸生許傳書室

龔瑟君號圭齋龔尹朱檢之祖振室蘊藉風流工書
翰故鄉一別忽爾八年近有書來云愛女莊洲叔龍
吞金殉夫尊人闔齋觀察醴正長兄定菴祠部輩祚
相繼棄世瑟君悲不聊生和余寄懷詩四章可謂短
歌當哭詩云不覩前來雁離愁積幾何頻勞京國夢
遠憶越江波雅抱同徐謝豪情淡綺羅尺書如面話
厚意故人多多才更多福夫婿喜鳴鸞身以馳驅健

心因閱歷寬詩懷清似水交誼真如蘭何日西窗燭
銜杯續舊歡惡夢頻年擾悲愉事屢更傾珠方抱恨
陟岵重傷情硯又空傳富貴看竟付程何堪霜信促
荆樹報催生千里志猶在偏難結壯遊身經諸劫老
跡爲一官留玉塵懷芳度金蘭憶舊儔傷心難寫出
十斛寄新愁瑟君昔侍尊人閨齋觀察上海署中延
歸佩珊授詩故佩珊集中附刊燈花二首未著姓名
正始集選佩珊詩并及圭齋註云未詳里居姓氏也
圭齋母段淑齋太夫人詩筆卓絕余常笑謂圭齋云

子非羲之獻之乎然家學親承正復相似

余向屏山索祖香詩稿屏山云吾妹素不存稿當寫
書往問今僅記其詞數闕子可採擇余讀一過芬芳
婉轉可與生香頡頏花簾軒輕如江南好西湖云西
湖好侵曉出春城花片片飛三月雨柳陰陰處一聲
鶯人在畫中行減字木蘭花西湖懷古云宮闈曉燿
全宋山河輪一半安穩杭州回首中原唱莫愁西湖
花月雲裏帝城雙鳳闕多少官家雨冷冬青咽暮笳
搗練子送春云花帶淚柳含顰風雨無情只送春一

片杜鵑啼不住傷心多少倚闌人木蘭花慢詠蝶云
整翩翩粉翅愁燕子避鶯兒向細草闌干游絲庭院
雙宿雙飛腰肢瘦來一搦愛紅香影裏鎮相隨花底
可憐踪跡夢中何處天涯深閨風景正芳菲長自傍
簾幃早倚窗人見繡上羅衣依依似嫌春晚更幾番
縈繞綠楊枝忍把泥金小扇等閑追過牆西

黃蕉卿號順之梁晉竹孝廉紹壬室有聽月樓詩稿
偶成云滑笏春葱臨晉帖玲瓏小几供唐花寄穎卿
妹云家遠愁看花姊妹病多難配藥君臣不寐云瑤

語聞於牛馬鬪雞聲難似鳳鸞鳴病中偶成云竹徑
亂敲風似剪蕉窗不住雨如麻頗得元人風致

黃穎卿詩旣秀整字亦雅潔淮陰釣臺云釣臺無處
拜真王逐鹿功名太渺茫絳灌早知羞與伍竿蓑何
苦脫輕裝感恩有志酬高祖辟穀終教羨子房千尺
碧波留片石川流嗚咽話興亡嚴陵釣臺云羊裘著
後便身輕留得人間大隱名半夜客星驚太史滿江
征棹拜先生雲臺誰識烟波趣笠澤終尋鷗鷺盟歷
歷翠巖看不足一竿春雨畫眉聲

言爲心聲吉凶動靜往往無意中先露每見佳句成
語識者不一而足如項祖香幼時夢中得句云五月
六月有秋意三更四更聞雨聲爲時傳誦而詩境過
清是以柏舟早賦元和陳素安瑞送女子歸云此日
獨憐慈竹瘦當年空望好花開不數年女歿素安子
然一身晚爲太清教授叔文以文兩郡君幸依賢主
得免困厄猶記戊寅冬日先慈和先君彈琴原韻云
已成絕調君休訝不慣循聲我亦癡次年先君棄世
先慈每自悔恨常謂寶云作詩不可有頽喪氣不哀

而戚大非佳兆故衡人詩文卽可定其人終身之通塞也

先慈吳浣素太孺人

世仁

先世如皋後外王父宦於

杭遂家焉太孺人天資敏悟凡爲詩詞書札揮筆立成不假思索著有簫引樓詩文集於嘉慶丁丑燬於回祿後因先嚴見背家務紛紜無意爲詩故存者不及百首寶常請付梓先慈以爲不經意之作不允所請云俟願了向平仔肩稍息當溫故業有可觀者再刊未遲詎意此願未償旋卽棄養太孺人存心慈惠

克已厚人親黨有告匱者不惜典質以應先嚴卽世
時兄弟等長猶未冠幼尙嬰孩撫孤十餘載以養以
教後各游幕餬口家計蕭條入不敷出太孺人井田
親操心力交悴壬辰秋仲曾赴袁浦借筆墨爲負米
計及至歸來太孺人已不起九日矣終天抱恨罔極
難酬猶記庚辰僑寓章江太孺人有悼亡詩數十章
爲長親鄭雪鴻參軍見而悲之云不減劉令嫺之作
序而付梓後詩板失於水稿亦無存今集中諸作皆
太孺人棄紙中寶兄妹拾存及記憶者錄之耳樂府

如采蓮曲云一棹入橫塘花明亂妾妝芙蓉欺粉面

荷葉妬羅裳黛映遙山綠波開明鏡光停撓逢女伴

欲采又相商采蓮莫采藕藕斷素絲長采蓮莫采蒨

蒨有苦心藏采蓮莫采葉留葉護鴛鴦同向花深處

紅情繞指香歌聲聞極浦歸路已斜陽寄長女善寶

壽光云

原注時因山左李怡堂觀
察寄爲螟蛉女接赴壽光

偶寄青齋去深憐

道路難星霜親鬢短風雪客衣單爾負奇男志吾將

孝子看得逢喬木蔭鄉思暫宜寬清明哭次女善芳

云春陰漠漠雨綿綿冷節江城又奈烟兩月何曾乾

老淚一杯聊且慰重泉紙錢麥飯悲今日詩句桃花

憶往年

原注去年女詠桃花甚覺詞意不祥

偶過妝樓倍惆悵鏡奩硯

匣尚依然避暑湖莊與鬢雲諸妹月下觀蓮云年年

惆悵負芳期綠意紅情繞夢思今夜六橋風露下相

看却好半開時秋日寄鬢雲云遠山疊疊水盈盈桐

葉初飄秋思生正是離懷無著處誰家樓上又吹笙

佳句如供蘭云晨夕素心從古少天涯芳草有誰同

白蓮云飛來沙鷺渾無跡蕩去蘭橈覺有香春雨云

何人綺陌尋芳草有客天涯歎落花秋雨云黃葉聲

中千里恨碧紗窗下一人愁春柳云野水平橋孤驛

外酒旂村店夕陽中聞雁云風霜自古征途事飄泊

誰憐逆旅身太孺人每訓寶等學詩須從文選入手

不至粗鄙倘從唐以下入手必失淺薄矣表姑周三英填諱

舍妹蘭仙善芳性甚敏慧玉貌珠顏端莊靜默女伴

見者無不稱羨余素性落拓案頭書卷狼籍筆墨縱

橫妹每辰必爲檢拾整齊恐侍兒不當余意先慈嗜

琴屢授余姊妹余習之茫然妹則勾挑按撥過目不

忘如平沙落雁高山流水嘈囀咒等長調不過一月

節奏純熟花晨月夕時一鼓之年十四學詩初作有
撲將蝴蝶過隣牆句余甚賞之妹由是喜拈管吟哦
然每每艱於結句此其夭折之證耳妹至性過人能
得先慈歡心兄弟五人姊妹二人自長至幼均極友
愛戊子冬余探親山左妹送別時握手痛哭爲料理
行裝私以珠環置余行篋余至壽光始知已丑仲春
妹患痧疹庸醫誤投寒劑於初九日坐逝歿後顏面
如生先慈冀其復活不忍卽殮次日滿面發出紅點
親戚赴唁者皆泣然歎惜妹病歿時適琴舫詠樓兩

弟由餘姚幕中染傷寒歸家小弟雪舫亦患此症三人連榻呻吟先慈無從措手請兩醫並視論如冰炭各立一方不知何者爲是沉思未決倦極成寐見妹侍案側剪燭執方而觀先取三方視之搖首置於桌左次取三方領之曰此方甚妥先慈驚寤見藥方果置兩處卽依妹語取藥與弟等服汗出而愈先慈愛妹如掌珠不忍一日離妹亡數月悲痛過甚雙鬢皆白有哭女詩數十章內有今日檢兜遺稿在珍藏留待姊歸來之句妹詩雖不多句頗娟秀歿年僅十九

所學未竟殊可惜也春日彈琴云古調誰能會須從
指下求梨花春雨細楊柳晚風柔流水冷冷去餘音
嫋嫋留金鑪香未燼雙燕蹴簾鉤對雪云玉戲天開
六出花疎疎密密舞風斜鋪成銀海三千界幻山瓊
樓十萬家簾捲珍珠窺凍鶴簷敲冰箸煮新茶謝庭
好句誰能續幾度吟哦手自又元夕燈詞云捲簾女
伴笑喧嘩隊隊笙歌隔絳紗怪底無人愛幽寂一輪
明月照梅花踏青詞云幾日深閨約伴行鳳頭鞋子
繡初成柳條青嫩桃花綻宛轉新啼出谷鶯寄余壽

光云護堂雖茂近衰年况復離心日夜懸草草報君
惟一語歸期須在柳含烟

先慈姊妹五人惟鬢雲五從母世佑最晚吟詠工畫

牡丹爲外大母所鍾愛不忍遠嫁在室時以詩畫自

娛性情瀟灑吐屬風雅年三十于歸武進卜子安叅

軍詢從宦往來兒女旣多筆墨遂廢每謂余云欲作

雅人必須終身在室近日偶得一二句思欲足成輒

爲俗事敗興無怪滿城風雨近重陽祗傳一句也嘗

記與先慈湖上觀蓮云折得荷花指亦香無端驚起

睡鴛鴦紅衣翠鬢雙飛去仍向深深葉底藏湖上春
日云粉蝶紛紛撲鬢鴉也知春在碧桃花遠山如扇
波如鏡不見蘇娘汕壁車湖上晚眺云一枝柔櫓衝
烟去幾點漁燈傍岸明七夕立秋云金風吹到銀河
畔恰好新涼第一宵臨歿朗誦生平所作詩詞氣息
漸微奄然化去時舉家患疫稿遂失散不存

余從妹湘卿

善禧

風度閒雅敏慧不羣先慈見背後

余依伯母居室甚隘與妹同榻五載授妹唐宋五七
言詩朝夕講論誦過不忘偶作小詩亦有韻致如山

樓晚眺云暮霞遙映夕陽紅閒倚闌干眼界空自有
青山環四面不須周昉畫屏風山容樹色遠難分一
片西湖罩暮雲可惜藕花千萬柄嫦娥獨自挹清芬
妹最柔婉余有悲愁疾病曲意慰解余丁酉赴都妹
依依垂泣不忍分襟辛丑吾鄉大雪妹書來云仲冬
大雪六晝夜空山聞積至盈丈孤嶼梅花盡遭凍損
今春未見著花殊堪惋惜恐姊知之鄉愁轉深也自
別後筆墨荒蕪欲作小詩奉寄僅得三句云欲寄梅
花花不發故園多少可憐春余讀之悵惘累日和云

綿綿離緒遠難伸又爲梅花感慨頻雪虐風饕何太甚
枝南枝北待回春一株紅映繡窗前月助丰神雪助妍
不識數年離別後春風花發可依然妹窗外余手植紅梅
一株來書未及不知尙無恙否

丙申初夏蘋香菰香姊妹偕澠池席怡珊慧文雲林

并余泛舟臯亭看桃李綠陰新翠如潮水天一碧小
舟三葉容與中流較之春花爛漫紅紫芳菲時別饒
清趣將近臯亭泊舟橋畔聯步芳林果香襲袂村中
婦女咸來觀看以爲春間或有看花者至今則城中

人罕有過此蓋從未見有賞綠葉者余誦屈宛仙惜
花須惜葉葉好花始茁花有幾時紅葉自經年碧之
句相與一笑導至村舍桑麻徧地雞犬迎人正纈絲
煮繭之時蒞香曰此間風景不減桃源只恐重來又
迷向路主人以黃梅贈客情意殷殷留連半晌重上
小舫推篷笑語隔舫聯吟歸來已六街燈火上矣斯
游之後怡珊歸吳雲林與余先後入都遂如雨散星
飛皋橋側畔無復問津人至偶檢舊篋得是日聯句
一章云纈絲煮繭熟梅天

湘佩

萬樹清陰覆水邊遠

岫綠侵詞客黛雲林夕陽紅入酒人船蘋香水鄉風

景渾如畫怡珊林下襟懷望若仙芭香同倚篷窗歷

好句掃眉才調盡翩翩湘佩

庚子暮秋同里余季瑛庭璧集太清雲林雲妻張佩

吉及余於寓園綠淨山房賞菊花容掩映人意歡忻

形跡既忘觥籌交錯惟余性不善飲太清笑云子既

不勝涓滴無袖手旁觀之理卽以山房之山字爲韻

可賦七律一章逾刻不成罰依金谷勿能恕也時已

薄暮太清因城闌阻隔車駕欲行同人頗代爲難余

三
鳴雪樓

卽援筆率書云秋容爛漫壓塵寰仙袂聯翩響佩環

喜讀新詞賡北宋聊憑佳釀祝南山

時太清出新製和東坡醉翁操

綺羅香影霏金谷紅紫花光照玉顏自笑年來詩思

澁漫哦短句學偷閒詩成交相稱賞次辰諸君和作

至太清有寒香有意催詩句銀燭無緣照醉顏季瑛

有賴有晚香娛酒客快吟新句對秋山雲姜有玲瓏

花疊一房山之句新詩疊出亦一時之勝會次冬季

瑛倚窗西甯關河修阻魚雁沉浮離索之感徒勞夢

寐矣季瑛性情溫雅與余至契寓居頗饒花木每當

春華秋月輒招共賞瀕行余贈詩有綺閣晨花艷金
尊夜月新春秋遇佳日折柬不辭煩蓋紀實也季瑛
爲許吉齋太守乃安室佩吉名祥徐石林比部夔典
室工琴善畫

許雪斐號仲紉爲阮賜卿郎中福室有魚聽軒詩稿
詩不多而靈警不可磨滅如遊昆明湖登大觀樓云
萬山圍海海圍樓樓在昆明海上洲太華三峯來爽
氣疎簾四面捲高秋西湖花月江鄉夢南詔烟波邊
微游近棹入城尋舊路碧雞風雨送歸舟題廬雁云

黃蘆白葦滿陂塘點綴偏宜厝幾行
藉地平添三尺水夜來秋雨瀟瀟湘

同里夏仙珮

伊蘭

諸生之盛女有吟紅閣詩鈔仙珮

數齡卽解四聲書卷筆墨外無他好閒居寂處常飄然作跨鶴想臨歿前三日晨起沐浴更衣作膜拜狀呼母前耳語曰兒欲去母亟問女將安往曰兒謫限已滿仍歸雷廟去天上差樂不苦母以兒爲念也母泣下反勸慰百端絕無悽楚之色且以塵世久居爲無味越日遂卒年僅十五歲乃翁松如茂才痛女之

天刊其遺稿數百首新詞麗句清氣盎然五言如睡
醒云蟲聲侵夢短燈影逼窗涼題湖心亭云波空天
地白山自古今青秋宵書懷云秋聲一籬竹涼雨幾
枝花題大洞經閣云斜陽萬山靜孤磬一聲閒借靜
云游魚碎花影飛鶻亂鈴聲卽景云秋聲晴在樹花
氣溼成雲過小有天園云涼生松子路秋到藕花風
七言如山家云睡鴨池塘花落早浴蠶天氣客來稀
古渡云于今姊妹無桃葉終古津亭此柳花夜窗云
涼月疎燈分夜色寒望落葉乳秋聲落花云貼地別

開香世界點波誰悟妙文章紫蝶云蹴到荆花同爛
漫貼來薇省鬪翩翩閒賦云茗香人亦沾秋氣木落
天教露好山梅花云雪滿空山春有影夢回紙帳月
無聲漫吟云詩格情於水楊柳春光紅到野薔薇仙
珮有庶母楊素書者亦工詩吟紅館稿中附刻唱和
數章如桐子云銜到鳳雛同竹實點成雲乳悟琴心
閨詞云戲擲魚仙停玉箸閒燒橄欖放蘭花亦造放
翁佳境

同里鎖佩芬

瑞芝

舉人吳兆麟室著有紅薔吟館詩

草佩芬至性過人母病劇曾割股和藥以進母賴以
愈後佩芬以瘵疾卒孝女而不永年殊堪悼惜詩致
清新西湖嬉春曲云孤嶼前頭春水生鶯鶯鶻語媚
新晴梅花罩面蒼苔底一幅羅裙繡得成欲眠西子
遲丰神夾岸春山溼翠皺倚著夕陽看新月脂痕眉
黛兩無倫花影云天留畫稿風來處地有春痕月到
時秋雁云一行掠水江涵影幾點橫空秋有聲靈隱
寺云樹遮高閣遠疑畫風壓層巒險欲飛簾云宛轉
劃成香世界分明畫出晚瀟湘

余幼從甬江陳簫樓先生權受詩先生嘗言女弟子
徐藍珍甚明慧年十三能爲小詩後隨父遠宦音問
遂絕僅記其爐留宿火星五字耳余近讀曹良甫侍
御柳堅雪雲閣集內載前室吾鄉蔡蓉娘寶珠稍通
文翰早歿曾吟畫簾芳草色五字二人皆以單句流
傳可與楓落吳江冷閑峙侍御與外子同譜

同里梁玉姬小玉號瑯環女史著有瑯環集三卷玉

姬七歲能詩八歲能摹大令書長極博雅詠篆章云
揮灑龍箋寄隴頭雙鈴題處紫雲泥宛家曾掌司花

印總領層城十二樓

蘭因集係陳雲伯大令爲小青菊香雪友修墓於西

泠徵諸題詠而彙刻者閨秀詩最多如

汪逸翠泠香珠之

銷二百年梅亭明月鶴亭烟落裝久化飛莊蝶彩筆

重題感杜鵑一徑落花紅灼灼兩堤芳草綠芊芊春

泥都化媧皇石補滿情天補恨天桐城方若嶽之情

天恨海兩茫茫如此蛾眉合斷腸春水尙留仙子影

桃花猶學美人粧魂依素奈心無累死旁寒梅骨有

香吟徧西泠芳草路一杯梨汁醅斜陽琴河錢蓮因

守璞之烟柳絲中淺碧流露桃花裏小紅樓填平愛
海三生願消盡情天萬古愁瘞玉深深紅雨暮埋香
鬱鬱碧雲秋春山如黛人何處惆悵靡蕪土一坵五
律如鴛湖沈采石數之吹徹三姝媚聲聲玉簫涼樓
仍倚鸚鵡碑不篆鴛鴦玉是嬋娟字花仍姊妹行西
湖比西子辛苦爲埋香七絕如梁溪華芸卿玉仙之
應是羅浮夢裡人落英滿地葬羅裙一坏香土嬋娟
塚長伴梅花處土墳吳門黃蘭卿曼仙之菊香寂寞
小青孤又築紅樓傍後湖樓上闌干樓下舫玉梅花

裏市蘿燕方外韻香淨蓮之短碣重題詩夕陽春山

香塚盡埋香隔湖倘喚香魂起都是金釵弟子行春

山如畫睇雙蛾花葉題詩寫衍波我向夢中傳彩筆

也同天女讚維摩小宓曇雲之飛來蝴蝶舊羅襪草

長平湖日又曛記取玉梅花一樹美人樓下美人墳

皆極幽艷足爲湖山生色亦一時盛事佳句如鮑玉

士之泥深蛺蝶紅蕖路碑冷蝦蟆碧蘚塵張雲裳之

詞客定能參慧業美人纔合葬名山粵東黃蘭姬之

淑之浮梅檻散春波晚快雪堂空夕照斜秣陵陳友

白媛評語 卷六 五 鴻雪樓

菊秀生之暝烟月上梨花塚疎雨寒生燕子家吾鄉

吳仙芝淑娥之流水年華成感逝桃花時節總銷魂

汪小韞之仙子玉爐三澗雪美人湘管一枝花陳荅

仙麗姬之泥融碧幻鴛鴦瓦花落香銷翡翠囊孫嫺

卿雲鵬之林間翠碣朝烟染花外紅樓夕照新德清

朱湘姮紋之修到梅花仙眷屬幟來桃葉佛因緣俱

工麗雅切

吳蘋香仿金元院本最佳步步嬌云金粉難銷湖山

路草綠裙腰露荒陵落日初一片傷心美人黃土何

處弔蘿蕪把香名一例兒從頭訴醉扶歸云一箇蕊
秋墳冷唱逋仙句一箇對春山閒臨西子圖一箇簾
垂畫閣綠陰疎怎蓮胎生迹的蓮心苦最憐他零膏
冷翠強支吾最傷他蘭因絮果難調護皂羅袍云日
日畫船簫鼓問湖邊艷跡說也模糊桃花三尺小墳
孤棠梨一樹殘碑古春烟楊柳秋風荻蘆粉痕蛺蝶
紅腔鷓鴣玉鉤斜誰把這招魂賦好姐姐云有箇謫
仙人轉蓬萊故都愛一帶青山眉嫵平章花月把嬋
娟小傳墓詩禪悟重留片石將情天補欲倒狂瀾使

恨海枯尾聲云珊珊環珮歸來否早註入碧城仙傳
則問他曾向詩人下拜無

乙未夏日梁楚生太夫人見有以夜來香穿成鸚鵡
形者茉莉爲架製絕工巧遂作小啟徵詩首唱一絕
啟中有直疑分自雕籠身罪暗麝還羨移來香國舌
吐妙蓮荷榭風涼待喚茶而岑寂筠簾月到看堆雪
兮玲瓏用是補綴禽經徧徵鴻什鬢華璀璨慧語通
靈借張鉞嬌勝之詞釵猶挂鳳續老鐵手擎之句花
亦名鵲詩云何處飛來翠羽涼金絲架護小南強晚

風浴罷輕紗揭巧舌輸他一段香啟出和者如雲余
賦七古一篇同里邵宛生七律云闌干斜倚伴昏黃
脉脉如含愁思長夢醒酒邊疑解語月明簾際欲生
涼綠雲幻影心都慧素韻流風骨自香招得花魂粧
鏡畔玲瓏妬煞雪衣娘孫菊如七絕云翠襟紅嘴傍
簾帷午夜芬芳夢醒時空說四絃花底滑深藏柳色
想難知菊如早寡無依終老母家生平手不釋卷惟
喜吟詠晚年目盲猶與弟姪等論文不倦錄此以存
其人可耳

吾家嘯珊仲兄喜書鍾鼎文古篆余暇日常集積古
齋鐘鼎款識字得五七言楹帖數十聯五言如文魚
游綠藻乳燕戲朱華柳邊雙燕語林外一鴻歸佳文
重彝鼎夙志樂山林圖書宜靜日尊尊樂嘉賓靜得
禽魚樂閑叅鐘鼎文園林來鳳子雷雨長龍孫七言
如幽蘭靜圃天三月古木平泉地一弓左圖右史間
居樂夏鼎商彝靜友宜金柳環亭招燕子石蘭近水
戲魚兒山平水遠王維畫禽語華香杜牧詞綠柳閒
亭直上已黃花老圃正重陽園中華柳環千樹室內

圖書 五車門前地小剛容馬室內尊陳好射雕八
斗才華追子建千秋書畫繼長康詠梅云亭外山中
千樹月水邊林下萬枝華元夕云畫燭千枝民共樂
金燈萬樹月同明江樓云山川一覽延朝爽雷雨初
來起夕陰秋眺云川平綠水生魚子雨足秋田長稻
孫夜泛云兩行雁度青山外一葉舟行明月中秋夜
云金盤露重月初午寶鼎香溫夜未央壽外云厨中
薦饌黃魚好花下稱觥綠酎香

紅蝠山房詩集附吳香輪女史遊茅山詩四律情景

如繪富春周芸皋廉訪凱爲繪游山圖十四幅并和
其詩一時傳誦和者如雲閨中佳句如廣陵汪湘霞
之烟穿蘿徑裙拖翠露立苔磯襪染青白下魏素貞
之雲霞樓閣懷前度風雨簾櫳怯曉寒吾鄉顧螺峯
之嬋娟誤畫偏呼癸風月摩厓尙識丁富春周素芬
之如雨松花飛錯落倚風竹韻響丁東香輪卽飛卿
詩見卷十紅蝠山房仁和王香雪州判乃斌集名